



○八王子城址之碑

八王子城址碑

宮中顧問官正三位勲一等子爵 北條氏恭篆額

八王子城北條氏照所肇築也。氏照稱陸奥守氏康子。氏政弟。初治于滝山城。元龜三年。築于神護寺山。移居焉。稱八王子城。城扼甲相之險。關東名城也。氏照勇武。絕倫。輔佐父兄。屢與甲越爭。天正十八年。豐臣秀吉大舉攻氏政。氏政聚八州諸城將士于小田原城。以拒之。氏照亦入焉。秀吉圍之。月餘未下。乃使上杉景勝前田利家率別軍攻諸城。諸城或降或奔。無敢抗者。六月二將以兵一萬五千乘曉霧襲八王子城。城兵僅數千。留守橫地監物近藤助実金子家重狩野一庵及曩祖勘解由君諱家範據險善拒而衆寡不敵。助実家重一庵等奮戰死之。監物遁走。被殺。土人獨君嬰城。健鬪。刀折矢盡。土率皆斃。利家望見壯之。遣人諭降。至則君既伏刃。夫人亦殉焉。城陷。実月之廿三日也。利家惋惜不措。云文祿中。德川氏移城下之民於橫山邑。稱八王子冠舊地。以元字。再後三百年。新街殷盛。舊地日微。而城址亦埋沒。寒烟荒草。乃中頃者。邑人慨之。欲樹碑。傳不朽。屬文於予。予今日辱榮爵。祖宗遺烈之賜也。乃按國史。參家乘。敘其梗概。繫以銘。曰

神山嶺峯 艸木自靈 碧血所凝

櫻花永馨

大正八年晚秋

從三位男爵

中山信実 撰

八王子市長勲七等

柴田榮吉 書